

## **Juañja mozhua ne kalta gaune zuñgajienapanaldiamak**

**Meja ai kalta gauwane:** Duwe Jesúja 12 shaxaldixakuega aldéñ izhgajañguxa Juañja jalde kalta gauwane. Ega na Duwe Jesúja ají múldigaba guaxaldixa gaxanekue nañga agatsé. Dueba negatshak jiaga Duwe ipananekeue ak-sanexalga izhone.

**Mekuetshi kalta gauwane:** Juañja Asia bax-ega Duwe ipananekeue izhajuizhaldekak (1.1) jalde kalta kagakauwane ajañguxa.

**Jinak ai kalta gauwane:** Atshak baxañ Duwe Jesú shalda namak shizhixakue san san abizhatshak Duwe ipananekeueja kepanka. Guatshak naldagálde shizhixakue ekíga abizhatshak kepanagába be nogakue kakbeyaldiamak kalta kagakauwane.

## **Juañja mozhua ne kalta gaune**

*Namaklde zuñkualdi na ajañgual za nogakue*

<sup>1</sup> Shuikuañ, exaga Saldiña netshi Jateja ajíkue minaldaldiamak mimezhgakuxane mishjuizhaldekakuek, nas duebak aldunaldiñki

miñsanekugek kalta miñkuzgauwatokuge.\* Naski namak giemi mimezhgajañguge. Guatshak nas zañki ekí mimezhgajañguagába, Jate shalda namaklde kakwasheklde✧ nahauxakueja jiaga ekíga mimajañguxa. <sup>2</sup> Jinak kabimajañguxa naldakí. Maiñ na namaklde zuñwashekldekueke agijuldunagába, ai za namak jañgui kizhogataná nak.✧ <sup>3</sup> Ekí namaklde zuñkualdi, zhualduxañga ajañgui izhoxañkaldogatsnakna, Saldiñga netshi Jate Nauwijatega, Asukuá Duwe Jesú na, atemajañ éegaba guañ zunajañgui na, zeñ zunajañgualga, muldetua aldunaxa señgaba zuñzukui zunezhokshaldixa nzha.

<sup>4</sup> Guatshak anuñka minekueke† Jateja atshakue guagamak atshiji, namaklde zuñwashekldeamak mizhekue mimatualdatshak, zuxaita ni zeñ minakzukuñgú.

<sup>5</sup> Guatshak kaiga zunake, shui gajakuañ,‡ zhualduxa ajañgual za nogakue miñgakuañnexaldikue. Ekí miñgakauwaldatshake ai guiyabaki abisa nukabínega naldazhé. Kasak Duwe kipanatshak zhinik ekí atsha guakueki nukapánañkalde naldashá.✧ <sup>6</sup> Guatshak Jate izhgajañguakueki jalde ne: Aldéñ atsha guakue guagamak atshiji izhoxa.✧ Akze, atsha guakue zuñmeneki ataba

\* **1:1** 1.1 Juafña kaxa kaxazguí guakuak galdieguke ekí guakldane: “Shui najasü Jate mezhgakuxanek, mijí sukuakue juizhi, nas duebak miksanekegek kalta mikuzgauwatokuge.” ✧ **1:1** 1.1 Jñ 8.32; 1Tm 2.4; 1Jñ 2.21 ✧ **1:2** 1.2 Ep 4.15 † **1:4** 1.4 Galdieguke “ezua mijí sukuakuega”. ‡ **1:5** 1.5 Galdieguke “najasü”. ✧ **1:5** 1.5 Jñ 13.34; 1Jñ 2.7; 3.11,23 ✧ **1:6** 1.6 Jñ 14.15,21; 1Jñ 5.3

atabañ ajañgui izhoxal nogakue. Eñki kasak Duwe mipanatshak zhinik nukapanaminega naldashá.

*Naldagálde shizhixakuek be axaldogakue*

<sup>7</sup> Akze, matshuwi nekueki naldagálde nuxa namak ne majañgushakuekue san san shizhiji aldeyaté nakldók. Ekuejañki “Duwe Jesú zunekualdaldiamak káguba naldi ixagabaldegazháne nakldá” akuaka. Ekí nekakueki ezua sigí Duwe akaldak aguldiñka, naldagálde nuxa namak ne majañgushakue nañga agatsekue nakldá.✧

<sup>8</sup> Akna muldetua numañ miyatualdí. Ekíki Duwek muldetua agapa mineyaldiamak kama ilshatoñkalde, axesé nuxa ekí atsháñkalde zeshi guakuak. Ekíga na, Jateja muldetua axazauwamine shalda niuwizhíne auxaga janshizhe miñkatshaldiamak.✧

<sup>9</sup> Guatshak mieldeki Duwe Jesúja shi zuñkaldiyane guashiñki akldé ipa shizhiji, aldéñ shi zuñkaldiyanamak jañguaksá guaneki Jatek agajuezhane, aldéñ na izhogazháka. Akze, Duweja shi zuñkaldiyanauxabé zuñjuizha naldakí, namak za jañgual kizhukakuañki Jate na, Asukuá Duwe Jesú na kizhuka.✧

<sup>10</sup> Akna mieldeki Duweja shi zuñkaldiyá guazhánamak shi miñkaldiyal miñkabizhatshak kaxazguagagába, ni kepanabináldi.✧

<sup>11</sup> Jinake ekí miñmeyakí.

---

✧ **1:7** 1.7 1Jñ 2.18,22; 4.1-3 ✧ **1:8** 1.8 Mlk 13.22-23; 1Kt 3.13-14; 1Ts 3.5; Eb 10.35 ✧ **1:9** 1.9 1Jñ 2.23; Aux 22.18 ✧ **1:10** 1.10 Alm 16.17; 1Kt 5.11; Ga 1.8-9; Tit 3.9-10

Mieldejañki ekí shizhixakue kepanaldiake, aikue sha ajanashamak atshá zhuxañga atshixá ishkazgualdixa nak.

*Aldiwe kakbene*

<sup>12</sup> Guatshak akldé matshuwi miñmendana nakzegatshak jiaga, kaltakgaki auxaga miñmeyesúñ nzhakzék. Akldé janshibeñki, nas naldi eñka mimatuál neyaldikue jañguge. Ekíki maiñ na zhualdesañ yatexaldek señgabá dulda kizhikshatshakna, muldetua auxaga zeñ zuñnexaldiamak.

<sup>13</sup> Guatshak jexa maiñ janañga Jateja ajikue naldaldiamak kezhgakuxane ishjuizhaldekakueja§ mimajañguxa miñmeyakue ni akuák.

Ekíga shi naldí.

---

§ 1:13 1.13 Galdieguke “mizhú Jateja ají naldaldiamak izhgakux-anetshi sukuakue”.

**Jatetshi múldigaba**  
**Kogi: Jatetshi múldigaba New Testament**

copyright © 2015 Wycliffe Bible Translators, Inc.

Language: (Kogi)

Contributor: Wycliffe Bible Translators, Inc.

All rights reserved.

2020-11-18

---

PDF generated using Haiola and XeLaTeX on 21 Feb 2024 from source  
files dated 29 Jan 2022

7c5b6db6-c9a4-56c8-a822-4345cd7bafc0